

**R. P. Sebastiani Izquierdo Alcarazensis Societ. Iesv Regii
Senatvs S. Inqvisitionis Hispaniarvm Qualificatoris, Et
Olim Complvti Sacræ Theologiæ Professoris. Opvs
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

Izquierdo, Sebastián

Romae, 1670

Quæst. 6. Quænam alia circa finem, & media examinanda, atque
resoluenda supersint.

[urn:nbn:de:hbz:466:1-77011](#)

Disp. 36. De ordinat. mediorum in finem. Q. 6. 595

quilibet, & in suo genere exequituum, purificata conditione, sub qua tendit in illud, determinat ad exequitionem, ad quam non determinabat antea, iuxta mox dicenda.

100 Egimus enim hactenus de decretis Dei absolutis, atque determinatis. Restatque agendum de conditionatis, & disiunctius. Circa quæ, supposita doctrina tradita, certum est, non posse ea esse pùre intentiuæ, quando versantur circa obiecta per sola decreta pùre intentiuæ decernibilia, ut sunt effectus, qui sine actione superaddita produci non possunt præcise sumpti, & actiones causarum secundarum, prout sunt ab ipsis, iuxta dicta num. 93. & 94. Quando verò versantur circa obiecta exequibilitate immediate per diuinam omnipotentiam, de decretis quidem conditionatis perinde, ac de absolutis, philosophandum est, hoc solum interueniente discrimine, quod ante purificationem conditionis suspensam, & nihil praestant; purificata tamen conditione, transeunt in absoluta iuxta doctrinam, supra quæst. 4. num. 69. & latitatem tradendam. **disput. 39. quæst. 3.** Vnde in tali casu, si præscindant ab existentiâ circumstantiarum, sub quibus obiecta sua sunt exequenda, erunt intentiuæ: si verò ab illâ in existentiâ sua aliqua ratione dependant, erunt exequititia iuxta dicta de absolutis num. 95. Mixta autem erunt, si intratum genus habuerint, quod habent decreta, absolute mixta, iuxta dicta num. 99. Decreta vero disiunctiva, qualia possibilia sunt Deo iuxta doctrinam traditam, supra disput. 34. quæst. 9. si versentur circa actus vel solius omnipotentie diuina, vel omnipotentie simul, & causa creare necessaria, exequititia esse non possunt, sed pùre intentiuæ esse debent. Nam, cùm eorum efficacia vnius, vel alterius extermorum disiuncti, in quod tendunt, sub disiunctione, & neutrius determinante existentiam postuleret: nec sit possibile, ut unum, vel alterum sub disiunctione, & neutrum determinante existat: repugnat, tali efficacia satisficeri, nisi interueniat electio determinata alterius pro altero oriunda ab aliquâ causa libera; qualis nec est omnipotencia diuina nec causa necessaria creata. Ex quo patet, rursum talia decreta exequititia posse esse, (stantibus ceteris ad id requiritis), quando extrema disiuncti, in quod tendunt, sunt actus omnipotentie diuina simul, & causa creare liberae potentis inter illos eligere unum à se simul, & ab omnipotencia determinante exequendum.

101 Quæ autem in hac questione sunt dicta de ordinibus repertis inter finem bonum, & media virtutia ad ipsum, pariter applicanda sunt, sua proportione seruata, ordinibus repertis tum inter finem bonum, & media impeditiva eius, tum inter finem malum, & media tam virtutia ad ipsum, quam ipsum impeditiva.

Q V A E S T I O VI.

Quænam alia circa finem & media examinanda, atque resoluta super sint.

102 **D**ico superesse nonnulla, quæ per questionulas aliquot hic proponenda, atque de-

terminanda sunt, prout sequitur.

Primo queritur, an finis vera, & realis

103

causa sit. Ceterum apud omnes est, esse cau-

sam veram. Quia verè influit in effectum cause

efficientis, ipsam mouendo ad causandum illum;

verèque prouide cum ea concurrit ad dandum

illi esse, sive existentiam; quod ipsum est, esse

verè causam illius. An vero sit causa realis non

ad eo certum? Nam Soar. disp. 23. Metaph. sect. 1.

absolutè affirmat. Negat tamen Petr. Hurt. dis-

put. 13. de Animâ sect. 5. Sed in re non dissentunt.

Quia Soar. sumit reale pro vero distincto à fictio.

Hurt. autem sumit reale pro physico conditio-

to ab intentionali. Vnde ambo inter se, & cate-

ri cum ipsis conueniunt, finem reverâ, & non

sicutiâ esse causam: non tamen esse causam physi-

cam causantem secundum esse physicum; quod

habeat existentialiter à parte rei; sed causam in-

tentionalem causantem secundum esse intentionale,

seu obiectuum, quod habet in mente illum

conscientis. Quod utrumque apud omnes prorsus

est certum. Ob idque dixerunt nonnulli, si

finem metaphorice tantum mouere causam effi-

cientem ad causandum effectum. Sed hec loqui-

tio admitti non debet. Quia finis intra suum ge-

nus causæ intentionalis, seu obiectuum cum omni

proprietate, atque adeo non metaphorice tantum

mouet, & causat. Aliud enim est non physique,

sed intentionaliter tantum mouere, & causare.

Aliud mouere, & causare non propriè, sed tantum

metaphorice; ut constat.

Secundo queritur, utrum ratio formalis 104

causæ finalis consistat in ipso fine, vel in eius cog-

nitione, vel in vitroque. Supponitur ut certum,

finem non aliter, quam cognitionem, posse causare;

quia causas mouendo voluntatem, sive influen-

do cum illâ in eius effectum: voluntas autem ab

incognito moueri non potest; quia non potest ferri in incognitum. Quo fit, ut in causatione cau-

sa finalis non possit non interuenire cognitionis finis,

Totaque difficultas est, an interueniat ut causa;

an ut conditio mera causandi. Nonnulli apud

Vazq. 1. 2. disput. 2. cap. 1. absolutè pronunciant,

cognitionem finis esse rationem formalem causæ

finalis. Iple vero Vazq. cap. 2. Soar. disput. 23. Metaph. sect. 8. Quiedo controv. 1. 1. phyl. punct. 2. &

alij censem, cognitionem finis meram esse condi-

tionem causandæ; integrumque rationem causæ fi-

nalism in solo ipso fine cognito sitam esse.

At Petr. Hurt. disput. 13. de Animâ sect. 6. & Lynce lib. 4.

Phys. tract. 10. cap. 2. ex vitroque conflant rationem

integræ causæ finalis, ex fine, scilicet, & ex

ipsius cognitione. Ego arbitror, suppositis non-

nullis, quæ hic apud omnes prorsus certa esse de-

bent, vix superesse difficultatem plus, quam de

nomine.

Primo enim est certum, id, quod voluntas

105

intendit, cùm finem intendit, ipsum finem vnicè

esse, non item eius cognitionem. Nam, qui vult

consequi sanitatem, nullatenus per tales volitiones

vult cognitionem, quam iam habet de san-

tato, sed tantum sanitatem ipsam, ut est notissimum.

Secundo est certum, finem non intendi à

voluntate secundum esse apprehensum intentionale

seu obiectuum, quod dum cognoscitur, habet in

sua cognitione; sed secundum esse reale, quod ha-

beret, si physique existens ponetur à parte rei;

idque sive sit ille quid verum, sive tantum ap-

pares. Nam, qui vult consequi sanitatem seu

possibilem reverâ, seu impossibilem, non vult,

ut talis sanitas existat obiectuæ in sua cognitione,

sed, ut existat realiter, sive physicè à parte rei. Tertiò nihilominus certum est, ad hoc, ut finis vnicè à voluntate intendatur quoad existentiam physicam modo dicto, requisitum omnino esse, quod ille à voluntate ipsa præcognoscatur, in siue proinde cognitione præexistat obiectiuè. Quartò est certum, communī Philosophorum, ac Theologorum phrasí (receptā etiam à Trident. dum agit de Gratia præueniente seſſi. 6. cap. 5. & canon. 4.) non solum dicunt voluntatem moueri ab obiecto sibi proposito per cognitionem, sed etiam moueri à cognitione, per quam proponitur ipsi obiectum: in cognitione dicitur mouere formaliter; quia est forma coniuncta physicè voluntati: cùm tamen obiectum tantum dicatur mouere obiectiuè. Quintò denique est certum, nōtum ad æquatum voluntatis in actu primo ex cognitione finis, ex fineque cognito conatur, tanquam ex duabus partibus, quarum unaquaque mouet suo modo, & neura sine altera mouere potest: potentiam autem proximè causatiū effectus finis, qui & voluntatis effectus est, in suo conceptu reali includere voluntatem, cognitionem finis, & finem cognitum, ceteraque principia immediate concurrentia ad causandum talēm effectum.

Quibus omnibus tanquam certis suppositis, num cognitionis finis pars integræ causæ effectus finis, vel potius conditio cauandæ sit appellanda, ferme de solo nomine quæstio est. Ego censeo melius loqui, qui dicunt, eam esse conditionem causandi. Tum quia approximatio physica agentis ad passum requisita, ut ab utroque cauatur effectus, ab unoquoque suo modo, constanter dicitur apud omnes conditio cauandi: & cognitionis finis approximatio quedam est intentionalis voluntatis ad finem requisita, ut ab utroque cauatur effectus, ab unoquoque suo modo. Pariter ergo dicenda est conditio cauandi. Tum quia tantum videtur iure appellari causa finalis, quod intenditur à voluntate, & cuius gratia cetera sunt. Id autem non est complexum ex fine, & eius cognitione, sed solus finis. Relinquitur ergo, ut cognitionis dumtaxat dicenda sit conditio causandi. Tum denique quia ad hoc non obstat, quod conditio finis dicatur mouere voluntatem, concurrere que cum illa, & cum fine ad causandum utriusque effectum. Quia etiam approximatio physica dicitur iuare agens, & passum, cum eisque concurrere ad causandum effectum, amborum, & nihilominus non causa, adhuc partialis, sed conditio causandi dicitur.

Tertiò queritur, quinam sine effectus causa finalis. Certum est, media electa, & exequita ad consequendum finem effectus ipsius finis esse. Dubitatur tamen primò, an intentio finis effectus sit ipsius finis quatenus finis. Negat Vazq. 1. 2. disput. 3. cap. 1. Affirmat verò Soar. disput. 23. Metaph. lect. 3. Sed hæc etiam controversia multum de modo loquendi habere videtur. Cùm enim id dicatur finis; cuius gratia cetera sunt; tò cuius gratia, exponit Vazquez amore. Unde ea tantum, quæ procedunt ex amore, sive intentione finis, censem, dicenda effectus finis, è quorum numero non est ipsa intentio finis, ut constat. Soar. vero tò cuius gratia, exponit, proprie quæ. Et quia voluntas intendit finem propter ipsum mota ad talēm intentionem ab ipsomet, idcirco eiusmodi etiam intentio effectus finis ut finis dicenda venit. Ego arbitror expositionem Soar. aptiorem esse, atque adeo cum eo loquendum.

Quia in hoc potissimum differt finis à medio, quod bonitas finis amabilis est propter le: cùm tamen bonitas medijs tantum sit amabilis propter finem. Quare, quidquid causatur à voluntate, affecta, seu mota à bonitate finis iure id effectus ipsius finis ut finis venit dicendum. Cuimodo inter cetera est ipsa etiam intentio finis.

Dubitatur secundò, an electiones mediorum dicendè sint effectus finis. Negant nonnulli apud Arriagam disp. 8. Phys. lect. 7. clementes, ea solum dicenda esse effectus finis, que amantur propter finem; è quorum numero non sunt electiones mediorum. Sed male: & contra communem. Quia non solum, quæ amantur propter finem, sed etiam, quæcunque sunt propter finem, dici debent effectus eius.

Dubitatur tertio, an ipso finis prout exquiritur suum ut finis effectus sit. Afirmandum est cum communī. Quia & ipse finis confectioni mandatur propter le ipsum: iesque ut cognitus, atque adeo existens intentionaliter, seu obiectiuè in sui cognitione, in suam existentiam physicam insuit, mouendo intentionaliter voluntatem, ut illam causet physicè. In quo nullum est inconveniens. Tametsi sit prorsus impossibile, ut idem ens prout existens physicè in eandem sui existentiam physicam physicè insuit.

Quartò queritur, in quo constitut causality causæ finalis. Omissis aliorum explicationibus, dico breviter conseruante ad dicta latius supra disput. 30. quæst. 12. à num. 608. de causalitate imperij, quæ similis est; causalitatē, quæ primò, & immediate causat finis intentionem sui, in suo conceptu partim physicō, & partim intentionalē ex tribus coalescere, nempe ex actione, qua voluntas physicè eamdam intentionem producit, ex cognitione finis physicè ipsi voluntati coniuncta, & ex ipso fine intentionaliter, seu obiectiuè existente in sui cognitione. Ab his enim tribus finis denominatur semiextrinsecè causans sui intentionem in suo causæ finalis genere. Causalitas autem, qua finis media intentione sui mediate causat electionem alicuius medijs, præter tria dicta, insuper claudit in suo conceptu ipsam intentionem, & actionem, qua voluntas physicè talē electionem producit. Nam ab his omnibus denominatur finis causans talē electionem mediata tanquam causa finalis eius. Adiunctis autem præterea ipsa electione, & actione qua potentia exequitua physicè producit medium effectum, denominabitur finis finaliter causans magis mediate medium ipsum. Pariterque philosophandum est de electionibus, medijsque alij remotoribus magis mediate oriundi ab ipso fine. Contra quam doctrinam nihil momenti est, quod possit opponi, supposita doctrina latius in simili traditā loco citato. Quæ ad rem recolop-

test. Quintò queritur; utrum sit aliquis finis, qui in alium ordinetur. Conueniunt Doctores, eatenus unum finem posse in alium ordinari, quæ sunt unum, & idem ens duas bonitates potest habere, alteram propriam finis, ratione cuius ameritur propter se, sicque rationem finis fortiori: alteram propriam medijs, ratione cuius ameritur propter aliud, sicque fortiori rationem medijs. Ita enim, cum eadem potio & possit esse delectabilis gustui, & possit esse utilis ad sanitatem; si ameritur ut delectabilis, atque adeo propter se, exercabit munus finis; si verò ameritur ut utilis, atque adeo propter aliud, exercabit munus medijs.

Disp. 3^o. De ordinat. mediorum in finem. Q.6. 597

Quo pacto idem ens & erit finis, & tanquam medium ordinabitur ad aliud finem.

Difficultas est, an ynum medium prout vtile ad finem respectu alterius medij remotoris quatepus utiles ad se rationem finis habeat, & hac ratione unus finis ordinetur ad aliud. Affirmant Ocham, Egid. Gregor. & Gabriel apud Vazq. 1.2. disp. 4. cap. 1. Iple vero Vazq. cap. 2. & seqq. negatiuam sententiam sequitur, & late probat. Pro qua ego etiam sio. Quia dumtaxat, propriè loquendo, habere potest rationem finis, quod formaliter bonum est, atque adeò amabile gratia sui, siue propter se: non item id, quod tantum est bonum causatiuè, atque adeò non gratia sui, seu propter se, sed tantum gratia alterius, seu propter aliud tanquam ad illud utile amabile est. Sed quodus medium qua tale tantum est bonum causatiuè, amabileque gratia alterius, seu propter aliud tanquam utile ad illud. Ergo nullum medium qua tale habere potest, propriè loquendo, rationem finis, adhuc respectu alterius medij utiles ad se. Et quidem, scilicet etiam Arist. pro hac sententia, late probat Vazq. loco citato, varijs eius testimonij adductis, quæ apud ipsum videri possunt.

Dices. Medium remotum utile est ad medium proximum. Ergo medium remotum propter medium proximum, seu gratia eius amari potest. Ergo medium proximum rationem finis habere potest comparatione medij remoti: siquidem id habet rationem finis, propter quod, seu cuius gratia amatur aliud tanquam utile ad ipsum. Et confirmari potest. Quia amor finis ideo mouet ad amorem medij proximi, ipsumque causat; quia medium proximum utile est ad finem. Sed medium remotum similiter est utile ad medium proximum. Ergo amor medij proximi similiter mouebit ad amorem medij remoti, ipsumque causabit. Et consequenter medium proximum rationem finis habebit comparatione medij remoti similiter, ac eam habet ipse finis comparatione medij proximi.

Respondeo ad objectionem, medium remotum esse quidem utile ad medium proximum, & ideo amari, siue eligi posse ad hoc, vt per illud existat medium proximum: non tamen posse dici medium remotum amari propter medium proximum, seu gratia eius: quia ista particula propter, & gratia eius propriè sumptæ significant id, propter quod, seu cuius gratia aliud amatur, propter se, seu gratia sui amari. Medium autem proximum qua tale non est amabile propter se, seu gratia sui, sed tantum propter aliud, & gratia illius; quocirca rationem finis comparatione medij remoti habere non potest. Hinc patet ad confirmationem: quantumvis amor medij proximi moueat ad amorem medij remoti, ipsumque causet, medium proximum comparatione medij remoti finem non esse. Quia ex tali motione, causationeque tantum sequitur, medium remotum amari, eligive ad hoc, vt existat medium proximum, non tamen propter ipsum, seu gratia ipsius; prout requirebatur, vt medium proximum finis esset comparatione remoti.

Sexto queritur, vtrum voluntas ex duobus medijs utilibus ad finem intentum, quemlibet eligere possit, si aequalia sint: & minus utile, si sint inaequalia. Vtrumque negat Vazq. 1.2. disput. 43. cap. 2. Reliqui fermè Theologi communiter affirmant vtrumque. Salas 1.2. tractat. 6. disput. 1. fest. 5. num. 49. cum multis a se relatis.

Soar. 1.2. disput. 4. sect. 4. Oviedo controu. 1. de Animâ punct. 6. & alij. Quorum sententiae nos quoque subscrivimus. Quia tamen eam sub universaliori doctrina latè probaram contra Vazq. relinquimus supra disput. 30. quæst. 15. à num. 689. Idcirco ab ea speciatim hic comprobanda superedemus. Recognoscantur dicta ibi, & hoc applicentur.

Septimè queritur, vtrum intentio physicè influat in electionem, hoc est, per physicam actionem a se simul, & a voluntate egredientem, vel tantum moraliter, inclinando scilicet, siue impellendo, atque adeò mouendo voluntatem, vt ipsa eliciat electionem. Influe priori modo, opinatur Vazq. 1.2. disp. 33. cap. 4. num. 21. Salas tract. 6. disput. 5. sect. 6. num. 94. & Ruiz tom. de Prouid. disput. 36. sect. 5. num. 12. Ego vero cum Oviedo controu. 1. de Animâ punct. 7. & alij ab eo cito tatis opinor, posteriori modo tantum influere. Primo; quia non sunt adstruendi physici influxus absque necessitate. Nulla autem est necessitas attribuendi intentioni respectu electionis influxum physicum: cum illi satis, superque sit influxus moralis. Secundo; quia iuxta sententiam communem, quam ego amplexus sum in Pharo Scient. disput. 7. quæst. 1. hypoth. 1. cognitio non physicè sed moraliter, siue illuminatiue tantum influit in actum voluntatis pendente ab illa: ob idque imprecentiarum intentio a sola voluntate dependet physicè, moraliter influente in illam cognitione finis. Ergo pariter electio a sola voluntate dependebit physicè, influente in illam moraliter ipsa intentione. Tertio; quia imperium voluntatis reflexum moraliter dumtaxat influit in actum imperatum, vt constat ex late traditis a nobis supra disp. 30. quæst. 12. Ergo similiter philosophandum est de intentione comparatione electionis. Quartò; quia electio non minus est effectus finis, quam intentionis eius, & tamen a fine, vt pote non existente physicè, non potest dependere physicè, sed tantum depender moraliter, immo tantum insuper intentionaliter. Ergo & ab intentione finis moraliter tantum dependere dicenda est. Quinto; quia vis influxu intentionis in electionem in eo stat, quod suapte essentia formaliter inclinat, quando simplex est, impellitque, quando est efficax, voluntatem in actu primo ad electionem. Sed plerunque inclinat, aut impellit ad electionem vagam, huius scilicet, vel alterius medij sub disunctione, qualis causare nequit physicè. Ergo vis influxu eius in electionem, non physicè, sed tantum moraliter est influxu; ergo plerunque noua determinatione voluntatis, vt influat de facto in hanc portus electionem, quam in alteram, ad quas vagè, seu distinctorie inclinabat, aut impellebat. Sexto denique; quia intentio finis non sola, sed continua cum cognitione de utilitate medij influit simili cum voluntate ad eliciendam electionem. Sed influxus talis cognitionis in electionem moralis dumtaxat est iuxta dicta. Ergo tantumdem est dicendum de influxu intentionis.

Ostendò queritur, an, vt intentio moueat voluntatem ad electionem, debeat a voluntate ipsa cognosci quasi reflexè. Affirmant nonnulli Thomistæ apud Vazq. 1.2. disput. 33. cap. 4. num. 21. Quibus consentiunt Soar. lib. 1. de Prædict. cap. 6. n. 14. & Quiros tom. 2. de Deo disp. 4. fest. 3. Iple ramen Vazq. & alij communiter negant. Quibus ego subscrivo. Tum quia necunde est necessitas

tas talis cognitionis quasi reflexæ, ut intentionem media illa moueat voluntatem ad electionem, cum possit intentionis ipsa per se immediate præstare eiusmodi motionem, satisque ex se appareat, tale munus contentaneum esse natura eius. Tum quia vel experientia ipsa ostendit, per intentionem finis, citra villam eius reflexam cognitionem, moueri nos immediate ad inquirendam, & eligendam media.

118 Verum quidem est nihilominus, intentionem solam mouere ad electionem non posse, nisi cognitione aliqua comitetur. Imprimis enim semper est requisitum iudicium de utilitate, atque eriadie de possibilitate medij eligendi. Deinde, ut intentionis absoluta, & efficax necessitatet voluntatem ad electionem mediorum necessariorum, ut finis obtineatur cum effectu, iuxta dicta quæst. 4. proposit. 2. iudicium de tali mediorum necessitate, requisitum est. Præterea, ut intentionis absolute, & efficax non influat, imo neque valeat influere in medium necessarium ad finem, quod preconosciatur aliunde exiturum, iuxta dicta ibidem, talis eius præcognitionis requisita est: per eam si quidem eneruatur vis influxiva intentionis in tale medium. Denique ad adstruendam, aut impediendam motionem intentionis vel conditionatae, vel disiunctiæ sua quoque cognitiones ipsarum naturæ proportionatae requisita erunt, ut consideranti innescet. Addo tamen, quanvis cognitionis quasi reflexæ de intentione necessaria non sit, ut moueat intentionis voluntatem ad electionem, utrum tam posse esse illam, prout infra disp. 37. quæst. 6. num. 93. dicemus.

119 Quemadmodum autem in præsentis de intentione finis comparatione electionis medij philosophatum est; ita pariter philosophandum de electione medij propinquioris comparatione electionis medij remotioris: necnon de electione medij pure intentionis, si detur, comparatione electionis eiudem medij exequititia iuxta ea, quæ de his dicemus etiam disp. 37. quæst. 6. n. 93.

120 Nonò denique queritur, quibusnam agentibus conueniat, agere propter finem, atque adeò ordinare media ad finem. Creaturam rationalem, ut hominem, & Angelum agere propter finem, certissimum cunctis, atque exploratissimum est. Deum etiam propter finem operari, certa fide tenendum est, ut ipso expressum in sacra Scriptura. Idque quod & ratio persuadet. Quia operari propter finem, perfectio est propria naturæ rationalis nullam importans imperfectionem repugnantem Deo: quam proinde conuenire Deo, omnino afferetur. Dumtaxat potest in dubium verti, an sola operationes externæ omnipotenter diuina, an etiam interna diuina voluntatis sint propter finem. Hoc enim secundum negant aliqui, dicentes, volitiones diuinas esse quidem propter rationem, aliquam objectivam formalem, non vero propter finem. Quia finis est causa eorum, qua propter ipsum sunt. Volitiones autem internæ Dei nec sunt, nec causam sui habent. Oppositum tamen censio omnino dicendum. Quia volitiones Dei liberæ prout tales non possunt non esse aliqua ratione causabiles à voluntate diuina, ut constat ex doctrina supra statuta disp. 31. quæst. 3. proposit. 7. Quo posito, nihil desideratur, quomodo & à fine quoque causabiles sint, propter quem Deus eas in rerum natura ponit, potens non ponere. Quo rursus nihil desideratur, quomodo illa cum proprietate dicantur esse propter

finem. Quæ omnia quam bene componantur in mea sententia de contingentia, ac productione virtuali diuinorum formalitatum, ex dictis in eadem disp. 31. quæst. 2. 3. & 4. facile quicunque potest colligere.

Certum est item, causas naturales non in cognoscitivis heutiquam agere posse propter finem, quem ipæ sibi præstuant, vi agunt causa rationales. Quia modus hic agendi propter finem, qui proprius est, sine cognitione, & appetitu elicito stare non potest, ut constat. Dicuntur tamen minus propriæ agere propter finem ipsis præstitutum à Deo: quatenus suis inclinationibus naturalibus à Deo sibi cum natura indicatis in certos quosdam effectus tendunt, qui velati proprij fines earum sunt.

De brutis vero animalibus non adeò est certum, an illa, loquendo propriæ, propter finem agant sibi à ipsis præstitutum. Affirmant enim aliqui, ut Arriaga dicitur. Phys. fact. 6. Communis tamen sententia negativa tenenda est. Quam satis superque probatam contra Aduersarios invenies in Pharo nostra Scient. disput. 1. quæst. 2. hypoth. 27. Recognolce dicta ibi. Quæ ad propositum latius sunt.

Adierto ad extremum huius disputationis, omnia fermè, quæ generatim in ea sunt dicta de ordinatione mediorum in finem, deque actibus voluntatis, tum intellectus, qui in illa interuenire, ad illamve quoquo modo spectare possunt, & de eorum obiectis, Deo, & creature communia esse: doctrinamque subinde in ea traditam generatim perinde supponendam, esse pro dicendis in sequentibus de providentia diuina, & partibus eius, ac, si speciatim tradita fuisset de diuina ordinatione mediorum in finem, de eiusque actibus, & obiectis. Dico omnia ferme. Quia fortasse erunt nonnulla, que propter imperfectionem, quam prefererant, sibi creaturæ, non item Deo, possint attribui.

DISPVITATIO 37.

De natura prouidentiæ Dei, & partium eius.

In hac disputatione, explicata imprimis natura prouidentiæ Dei, & eius existentiæ facultatibus, dtim eam in suas partes diuidit, quarum portiomæ sunt Prædestination, & Reprobatio, naturam etiam partium exponit, & quomodo illæ cum suo toto comparentur breuiter statuat; ut, quæ deinceps dixerim de prouidentiæ Dei, facilius partibus eius, carum præcognitæ naturæ, valcent accommodari. Deinde actus diuinos tum intellectus, tum voluntatis, tum omnipotentia percurram, qui ad prouidentiam Dei, & partes eius vel necessarij sunt, vel utiles; ut tandem, in quibus eorum prouidentiæ Dei, & eius partes consistant, definiam.